

2013-imi akileraarutitigut ilanngaatisat il.il. imatut angissusilerneqarnissaannik Inatsisartut aalajangiinissaannik siunnersuut, tak. suleriaasissani § 32, imm. 6, 2:

- 1. Inummut ilanngaat.....kr. 48.000 (ukiumut)**
- 2. Ilangaat aalajangersimasoq.....kr. 10.000 (ukiumut)**
- 3. Aningaasarsiat B-t akileraaruteqaataasussaannngitsut..kr. 5.000 (ukiumut)**
- 4. Killilimmik akileraartussaataasut ilanngaataat.....kr. 1.000 (ukiumut)**
- 5. Kommuninut ataatsimut akileraarut.....6%**

Saqqummiussissut

(Aningaasaqarnermut Naalackersuisoq)

Siullermeerneqarnera

Inatsisartut aningaasarsianit akileraarutit pillugit Inatsisartut inatsisaat naapertorlugu 2013-imi akileraarutitigut ilanngaatisat il.il. angissusissaat 2012-imi ukiup affaani siullermi aalajangersartussaavaat.

Ilangaatit il.il. pineqartut tassaapput:

1. Inummut ilanngaat - § 67, imm. 1.
2. Ilangaat aalajangersimasoq - § 21, imm. 2.
3. Aningaasarsiat B-t akileraaruteqaataasussaannngitsut - § 20, imm. 2.
4. Akissarsiorlut killilimmik akileraartussaataasut ilanngaataat - § 2, imm. 2.
5. Kommuninut ataatsimut akileraarut - § 63, imm. 2.

Ilangaatit il.il. ataasiakkaat erseqqinnerusumik eqqartorneqarnerat, atuuffii kiisalu ukiuni siusinnerusuni angissusilerneqarsimaneri eqqarsaatigalugit ilanngussaq 1 innersuussutigineqarpoq, soorluttaaq 2013-imi aningaasarsiat tunngavissaattut naatsorsuutigisat ilanngussaq 2-mi nassuiaatigineqartut.

Naalackersuisut siunnersuutigaat 2013-imut akileraarutitigut ilanngaatisat il.il. 2012-imut sannilliullugit allannguuteqassanngitsut, tassa akileraartarnermut, ineqarnermut aammalu isumaginninnermut politikkip aqqissuuteqqinneqarnissaannut ataatsimoortumik inatsisiliuussinissamut atatillugu inassuteqaataasussat utaaqqineqarnissaat Naalackersuisunit kissaatigineqaromat, uani tunngaviuvoq pilersaarusiormi aqqissuisussatut Naalackersuisunit pilersinneqarsimasoq.

Taamaalilluni ilanngaatit aammalu kommuninut ataatsimut akileraarut 2005-imi akileraartarnikkut aqqissuusseqqinnerup kingorna allannguuteqartinneqanngillat, ilanngaatimmi taamani katillugit 10.000 koruuninik qaffanneqarsimapput taakkulu saniatigut kommuninut ataatsimut akileraarut 2 procentpointinik qaffanneqarsimalluni.

Kalaallit Nunaanni Kommuneqarfiit Kattuffiat nalunaarpoq kommuninut ataatsimut akileraarutit 2013-imut allanngortinnagu 6 %-imut angissusilerneqarnissaa isumaqataaffigalugu.

Taamatut oqaaseqarlunga 2013-imi akileraarutitigut ilanngaattissat il.il. siunnersuutigineqartu-
tuut angissusilerneqarnissaat Naalakkersuisut sinnerlugit inassutigissavara.

2013-imi nuna tamakkerlugu aningaasarsiat tunngavissaattut naatsorsuutigisat.

Inummut ilanngaat 48.000 koruuniutillugu, aningaasarsiat B-t akileraaruteqaataasussaangit-sut 5.000 koruuniutillugit aammalu ilanngaat aalajangersimasoq 10.000 koruuniutillugu, 2013-imi akissarsiat tunngaviat (2013-imi aningaasarsiat akileraaruteqaataasussat inummut ilanngaammik ilanngarlugit) ima atsigissasoq naatsorsuutigineqarpoq:

<u>Inuit:</u>	<u>mio. kr.:</u>
Kommunini	7.435
Kommunit avataanni	246
 <u>Selskabit:</u>	
Kommunini	450
Kommunit avataanni	110
 <u>Katillugit</u>	 <u>8.241</u>

Inummut ilanngaammut 48.000 koruuniusumut sanilliullugu 1.000 koruuninik nikittoqaraa-ngat aningaasarsiat tunngavii katillugit 40 mio. koruunit missaannik nikittassapput.

Aningaasarsianut B-nut akileraaruteqaataasussaangitsunut 5.000 koruuniusunut sanilliullugu 1.000 koruuninik nikittoqaraangat aningaasarsiat tunngavii katillugit 10 mio. koruunit mis-saannik nikittassapput.

Ilanngaammut aalajangersimasumut 10.000 koruuniusumut sanilliullugu 1.000 koruuninik ni-kittoqaraangat aningaasarsiat tunngavii katillugit 25 mio. koruunit missaannik nikittassapput.

Akilaraarutitigut ilanngaatisat il.il.

Ataani naatsumik allaaserineqarput ilanngaatit ataasiakkaat kommuninullu ataatsimut akilerararut, taakku siunertaat malunniutaallu kiisalu ukiuni siuliini angissusilerneqartarnerat.

1. Inummut ilanngaat - § 67, imm. 1.

Inummut ilanngaat naatsorsuineri ilanngaataavoq siunertaraalu inummut ilanngaatip sania-tigut aningaasarsiat (aningaasarsiat akilaraaruteqaataasussat) kisimik akilaraaruteqartinneqar-nissaat.

Ukiuni 1975-imiit 1986-imut inummut ilanngaat 20.000 koruuninut, 1987-imiit (akilaraartar-nerup aaqqissuuteqqinneqarnera) 1991-imut 35.000 koruuninut, 1992-imiit (akilaraarutit iluar-sartuunneranni) 2004-imut 40.000 koruuninut aammalu 2005-imiit (akilaraartarnerup aaqqis-suuteqqinneqarnera) 2012-imi 48.000 koruuninut angissusilerneqartarsimavoq.

2. Ilanngaat aalajangersimasoq - § 21, imm. 2.

Ilanngaat aalajangersimasoq akilaraarusiineri ilanngaataavoq taannalu "ilanngaativinnut" ilanngaammit aalajangersimasumit annerunngitsunut taartaalluni ilanngaataavoq.

Ilanngaat aalajangersimasoq ukiuni 1975-imiit 1989-imut 4.000 koruuninut angissusilerneqar-tarsimavoq, 1990-imiillu 1998-imut 6.000 koruuninut angissusilerneqartarsimavoq, 1999-imiit 2004-mut 8.000 koruuninut aammalu 2005-imiit (akilaraartarnermut aaqqissuusseqqin-neq) 2012-imut 10.000 koruuninut angissusilerneqartarsimalluni.

3. Aningaasarsiat B-t akilaraaruteqaataasussaannngitsut - § 20, imm. 2.

Akilaraaruteqaataasussaannngitsuni taakkunani isumaginiarneqarpoq akilaraaruteqaataasus-saannngitsut sania-tigut aningaasarsiat B-t kisimik akilaraaruteqartinneqarnissaat. Aammattaarli aningaasarsiat B-t akilaraaruteqaataasussaannngitsut tunisassiorfinnut tunisisartunut atuupput, naak tunisanit isertitat aningaasarsiat A-jugaluartut.

Aningaasarsiat B-t akilaraaruteqaataasussaannngitsut ukiuni 1975-imiit 1992-imut 4.000 ko-ruuninut angissusilerneqartarsimapput 1993-imiillu 2012-imut 5.000 koruuninut angissusiler-neqarsimallutik.

4. Akissarsiortunut killilimmik akilaraartussaasunut ilanngaat aalajangersimasoq - § 2, imm. 2.

Ilanngaat aalajangersimasoq taanna akilaraarusiinikkut ilanngaataavoq, tassalu akissarsiortu-nut killilimmik akilaraartussaasunut "ilanngaativinnut" tamanut taartaalluni ilanngaataalluni.

Ilanngaat aalajangersimasoq taanna ukiuni 1975-imiit 2012-imut 1.000 koruuninut angissusi-lerneqartarsimavoq.

5. Kommunitut ataatsimut akileraarut - § 63, imm. 2.

Kommunitut ataatsimut akileraarut akileraarutaavoq immikkut ittoq, siunertaraalu inummut ilanngaatic annertuumik qaffannerata (1987-imi 20.000 koruuniniit 35.000 koruuninut, 1992-imi 40.000 koruuninut aammalu 2005-imi 48.000 koruuninut) kingunerisaanik kommunit isertitamikkut annaasaannut matussutaassalluni. Kommunitut ataatsimut akileraarummit isertitat tamakkiisumik akileraarutitigut naligiissaarinermi aqqissuussinermut ilaapput - taamaalillutik inummut ilanngaatic qaffanneqarneratigut kommunit isertitamikkut annaasaat akileraarutitigut naligiissaarinikkut kommunitut utertinneqartarput.

Procenti akileraarusiissut, 1987-imi atuutilersinneqartoq (akileraartarnermut aqqissuusseqqinneq), 1987-imiit 1991-imut 3 %-imut angissusilerneqartarsimavoq, 1992-imiit 2004-mut 4 %-imut aammalu 2005-imiit (akileraartarnermut aqqissuusseqqinneq) 2012-imut 6%-imut angissusilerneqartarsimalluni.